

八味地黄丸

天柱骨倒小兒有體肥容壯不爲瘦悴孰知形體過肥中氣愈弱是盛於外而歉於內也忽然項軟傾倒者此肝經風熱也小柴胡加粉葛當歸白芍

有因久病之後或泄瀉日久忽然頸項傾側名天柱骨倒最爲危候速救真元十全大補湯加鹿茸

有小兒生下頸便軟者胎氣不足也由稟父之腎元虛敗峻補先天其庶幾矣補腎地黄丸與六君子湯間服

天柱骨倒之證雖則三條總係真陽大敗之候爲小兒之惡證保救真元是其大要外以生筋等藥貼之可也

○入方

六味地黃丸

方見一卷胎疾門

封顱法

治頭縫不合名曰解顱

天南星不拘多少以薑汁炒枯研細末醋調塗於

絹帛上烘熱貼顙門上以合爲度

瀉青丸

方見四卷啼哭門

參蘇飲

方見三卷咳嗽門

參苓白朮散

方見三卷疳證門

八味地黃丸

方見一卷保產門

小柴胡湯

方見二卷傷寒門此加粉葛當歸白芍

十全大補湯

方見一卷保產門

補腎地黃丸

方見三卷吼喘門

六君子湯

方見二卷類搐門

生筋散

治筋軟無力天柱骨倒

木鱉子

六箇

蓖麻子

六十箇
並去殼

以藥研如泥先抱頭起以手摩其頸令熱津唾調藥塗頸項

又方貼項軟生附子去皮二錢生南星去皮臍二錢共研末薑汁調攤貼患處

○頭項簡便方

小兒解顱或因病後忽然顱門寬大頭縫四破此腦髓不克大虛之候用鹿茸防風白芨栢子仁四味

各五錢共爲末、乳汁調作餅、貼顙門上一日一換、以合爲度。

治小兒顙陷如坑、由久病真元不足、氣血兩虛、大凶之候、速宜十全大補加鹿茸、薑棗煎服、外用狗頭骨炙黃爲末、鷄蛋清調敷之效。

○目病證治

經曰諸脈者皆屬於目、又曰東方青氣入通於肝、開竅於目、○夫目雖爲肝竅、而五臟俱備、神之所托、故白珠屬肺、黑珠屬肝、瞳仁屬腎、兩角屬心、上下

眼胞屬脾五臟五色各有所司心主赤赤甚者心實熱也赤微者心虛熱也肝主青青甚者肝熱也淡青者肝虛也脾主黃黃甚者脾熱也淡黃者脾虛也目無精光及白睛多而黑睛少者肝腎俱不足也

目內赤色心經積熱上攻宜瀉丙火從小便而出導赤散加黃連防風

目內黃者脾熱也宜瀉黃散上下眼胞腫者脾經風熱亦同上治

目連劄者肝有風也凡病或新或久肝風入目上下左右如風吹兒不能任故連劄也瀉青丸

目直視者肝有熱也熱氣入目障其筋脈目之兩角俱繫不能轉運故直視也瀉青丸

小兒初生目閉此胎熱也內服生地黃湯外用膽草煎湯洗目上一日七次恐延纏則損目

小兒生下眼胞赤爛者山產時拭洗不淨以致穢惡侵漬兩目角故兩胞赤爛至長不瘥真金散

小兒久嗽其目兩眶腫黑如物傷損白珠紅赤如血

謂之血眼、內服瀉白散、外用貼法、

小兒生下數月之內、目不見物、謂之雀目、由肝虛也、
六味地黃丸、常以豬肝煮熟壓藥、

小兒熱病、其目羞明喜暗者、風熱也、宜疎散風熱、清
陽散火湯、

○入方

導赤散

方見四卷啼哭門

瀉黃散

治脾經積熱白珠生黃

藿香梗

錢二

黑梔仁

錢一

熟石膏

錢一

北防風

錢一

炙甘草

分五

淨水煎半饑服

生地黃湯

治小兒胎熱初生眼閉不開

懷生地

錢五

赤芍藥

錢一

正川芎

分五

大當歸

錢一

天花粉

酒炒

炙甘草

各五分

燈心十莖長流水煎熱服

真金散

治小兒眼胞赤爛

雅川連

川黃檗

大當歸

赤芍藥

已上各二錢

光杏仁

去皮尖五分

右剉碎以乳汁浸一宿飯上蒸過取濃汁點眼內

瀉白散

治小兒久嗽兩眶黑腫白珠如血

芽桔梗

炙甘草

廣陳皮

桑白皮

地骨皮

四味等分水煎熱服

貼藥

大生地

一兩

大黑豆

一兩

二味用水同浸一夜取起搗爲膏貼眼皮上其血自散血淚旣出腫黑卽消

六味地黃丸

方見一卷胎疾門

清陽散火湯

治小兒風熱眼疾羞明喜暗

小條芩

荊芥蕙

正川芎

北防風

淨連翹

黑梔仁

當歸尾

熟石膏

已上各用一錢

川羌活

炙甘草

各五分

燈心十莖水煎食後服

○眼目簡便方

治目生弩肉赤脈貫瞳白膜遮睛諸般雲翳用白丁香
香即麻雀屎也倒者爲雌雀屎不用取豎立者雄
雀屎也不拘多少取來研末水飛過如飛朱砂樣
渣滓不用俟藥澄底傾去清水晒乾每以些微同
乳汁研化點翳上其翳自去神方也取麻雀屎寺

院中暨城樓上有

赤眼腫痛用樸硝一撮以碗張豆腐一塊將硝放豆腐上飯上蒸之俟硝已化去豆腐不用取汁點眼自愈

敷火眼及風熱眼生南星五錢紅飯豆五錢共爲末取生薑自然汁調作二餅貼兩太陽穴

又敷火眼痛極用大紅棗取肉五六枚葱三四根共搗如泥作二小餅閉目貼之令其發散蓋眼無風寒必不疼痛以此疎散立時見效昧者以爲火眼

必用涼藥敷點、而用黃連黃檗之類、不知抑遏其火邪、不能外出、必變眼珠疼痛、久不能愈、慎之、

治爛弦風眼、百藥不治、此方最神、用鮮色銅綠三錢、研細末、以生蜂蜜濃調塗粗碗內、要調略乾、稀則少時流出矣、用艾燒煙、將碗覆艾煙上熏之、須熏至銅綠焦黑爲度、取起冷定、以乳汁調勻、飯上蒸過、搽眼皮上爛弦處、百不失一、

治眼毛倒睫不起、用五構子爲細末、蜜調敷眼皮上、其睫自起、

又方以無名異爲末，紙捲作撚，點燈吹滅，閉目熏之。
瞋自起。

赤眼腫痛不消，以精猪肉切一片，如指甲大，以水洗淨其血，貼於眼皮上，良久易一片，卽消。

○耳病證治

經曰：北方生寒，在臟爲腎，在竅爲耳。又曰：腎氣通於耳，腎和則耳能聞五音矣。○故耳本屬腎，耳珠前屬少陽膽經。小兒有因腎經氣實，其熱上衝於耳，遂使津液壅而爲膿，或爲清汁，亦有因沐浴水入。